

摘藻堂四庫全書薈要

史部

欽定四庫全書薈要

史部

御批歷代通鑑輯覽卷二十

詳校官原任編修臣徐立綱

欽定四庫全書蒼要卷七千四百七十三

御批歷代通鑑輯覽卷二十

漢



姓

攝元年春正月王莽祀南郊

劉友益書法自是以後皆斥書莽而削其

三月立宣帝元孫嬰為皇太子號曰孺子

嬰廣戚

漢縣故城在今江南徐州府沛縣

侯顯之子也

楚孝王囂之子歟封廣戚

侯顯勲之子也年二歲託以卜相最吉立之

尊皇后曰皇太后

夏四月安衆

漢縣故城在今河南南陽府鎮平縣

侯劉宗

長沙定王六世孫

起兵

討莽不克死之

安衆侯劉宗與相張紹謀曰莽必危劉氏天下非之

莫敢先舉此乃宗室之耻也吾帥宗族為先海內必

和從者百餘人遂進攻宛

漢縣今南陽府南陽縣是

不得入而敗

劉宗首倡大義
翟義繼之而起
兩人功雖不就
忠烈炳然可以
掩賊莽之魄鼓
豪傑之氣故紀
目予之

紹從弟竦與宗族父嘉詣闕自歸莽赦弗罪竦因為
嘉作奏請諸宗宮室用永監戒于是莽大悅封嘉竦

皆為列侯長安謂之語曰欲求封過張
伯松力戰關不如巧為奏
伯松諫字

五月莽朝見稱假皇帝

羣臣白劉宗等謀逆者以莽權輕也宜尊重以填海
內太皇太后乃詔莽朝見稱假皇帝

丁卯二年秋九月東郡太守翟義起兵討莽立劉信
東平王雲

午為天子三輔豪傑應之莽遣兵拒擊義戰不克死之
信亡走

翟義丞相方進之子也與姊子陳豐
上蔡人謀曰新都

侯攝天子位故擇宗室幼穉者以為孺子且以觀望
必代漢家方今宗室衰弱外無彊藩天下傾首服從
莫能亢扞國難吾父子受漢厚恩義當為國討賊欲
舉兵西誅不當攝者選宗室子孫輔而立之汝肯從
我乎豐年十八勇壯許諾義遂與都尉劉宇嚴鄉

胡三

省注嚴鄉侯
國當在東郡

侯劉信信弟璜結謀勒其車騎材官士

募郡中勇敢部署將帥立信為天子義自號大司馬
柱天將軍移檄羣國言莽酖殺孝平皇帝攝天子位

欲絕漢室今天子已立共行天罰郡國皆震比至山
陽衆十餘萬莽聞之惶懼不能食太皇太后謂左右
曰人心不相遠也我雖婦人亦知莽必以是自危莽
乃拜孫建等七人為將軍

建為奮武將軍王邑為虎
牙將軍王駿為彊弩將軍

王況為震威將軍劉宏為奮衝將軍
王昌為中堅將軍竇況為奮威將軍將關東甲卒發

奔命以擊義三輔豪傑趙朋霍鴻等聞義起自稱將
軍燒官寺殺郡尉火見未央前殿莽復拜王級等為

將軍

級為虎賁將軍圖
遷為折衝將軍

西擊朋等日抱孺子禱郊廟

會羣臣而稱曰昔周公攝政而管蔡挾祿又以畔今翟義亦挾劉信而作亂自古聖猶懼此況臣莽之斗筭羣臣皆曰不遭此雖不彰聖德乃依周書作大誥諭天下以當反

位孺子之意諸將至陳留

漢縣注見前

與翟義戰義敗死

竟不得信

初汝南舊有鴻陂大陂郡以為饒成帝時閭東數水陂溢為害方進為相奏罷之及

翟氏滅郡中常枯旱追怨方進童謠曰壞陂誰翟子威飯我豆食羹芋魁反乎覆陂當復誰云者兩黃鵠

鴻陂陂亦曰鴻陂陂在今河南汝寧府汝陽縣東

明年春三輔兵皆破滅莽

于是自謂獲天人助遂謀即真之事矣

戊辰初始元年春地震

秋九月莽母功顯君死

莽自以居攝踐阼奉漢太宗之後為功顯君總綬弁

而加麻環經

顏師古曰于弁上加環經也謂之環者輕細如環之形

如天子帟

諸侯服令其孫宗為主服喪三年

冬十一月莽以太皇太后詔號令奏事毋言攝

劉京

宗室廣饒侯

扈雲

車騎將軍千人

臧鴻

太保屬

奏符命

符命之起自謝

蕭始事見前

京言齊郡新井

臨淄縣昌興亭長辛當一暮夢天公使來告之曰攝皇帝

當為真即不信此亭中當有新井

雲言巴郡

漢郡治江州今

四川重慶府已縣是

石牛鴻言扶風雍石莽皆迎受於是奏請
號令天下天下奏事毋言攝以居攝三年為初始元
年用應天命

期門郎張充等謀誅莽不克死之

張充等六人謀共劫莽立楚王事覺被殺

十二月莽自稱新皇帝更號太皇太后為新室文母太
皇太后

梓潼

今縣本漢置屬四川綿州

人哀章

師古曰哀姓章名

學問長安素無

行作銅匱為兩檢署其一曰天帝行璽金匱圖其一

署曰赤帝璽邦

漢高帝名

傳子

讀曰與

皇帝金策書

書言王莽為真

天子并書莽大臣八人又取令名王與王咸章亦自竄姓名凡十一人皆署官爵為輔佐日昏時

衣黃衣持匱至高廟以付僕射僕射以聞莽至高廟

拜受金匱神禪

師古曰言有神命使漢禪位于莽也

御王冠謁太后還

坐未央宮前殿即真天子位建有天下之號曰新以

十二月朔為始建國元年正月之朔

服色尚黃使節之旄幡署曰新

使五威節時以孺子未立璽藏長樂宮莽請之太后不肯

莽之篡弑元后
實釀成之觀其
受新室文母之
號恬不為怪已
可概見至是乃
拳拳一蠶益亦
掩人耳目之為
耳班彪謂婦人
之仁猶不免為
其所愚

授莽使安陽侯舜諭指太后怒罵之曰而屬父子宗
族蒙漢家力富貴累世既無以報受人孤寄乘便利
時奪取其國不復顧恩義人如此者狗猪不食其餘
天下豈有而兄弟耶且若自以金匱符命為新皇帝
亦當自更作璽傳之萬世何用此亡國不祥璽為我
漢家老寡婦旦暮且死欲與此璽俱葬終不可得因
涕泣旁側長御以下皆垂涕舜亦悲不能自止良久
乃仰謂太后臣等已無可言莽必欲得璽寧能終不

與邪太后恐莽欲脅之乃出漢傳國璽投之地曰我
老已死知而兄弟今滅族也莽又欲改太后漢家舊
號易其璽綬子是張永獻符命言太皇太后當為新
室文母太皇太后莽從之

班彪贊曰三代以來王公失世稀不以女寵及王莽
之興由孝元后歷漢四世為天下母饗國六十餘載
羣弟世權更持國柄五將十侯卒成新都位號已移
於天下而元后卷卷猶握一璽不欲以授莽婦人之
仁悲夫

己新莽始建國元年 是年以後至壬
己午依綱目纂賦干統列分注紀年 春正月莽廢孺

子為定安公

定安胡三省無注馮智舒以為漢縣故城在寧州考地理志漢有安定郡無定安縣

寧州之名定安乃後魏非漢也

莽策命孺子為定安公孝平皇后為定安太后以大鴻臚府為定安公第置門衛使者監領敕阿乳母不得與嬰語常在四壁中至長大不能名六畜

改諸官名降漢諸侯王及王子侯爵

莽按金匱封拜其黨與

王莽平晏劉考哀章為四輔甄邯王尋王邑為三公甄豐

王興孫建王盛為四將凡十一公王興故城門乃更漢令史王盛賣餅兒莽按符命登用以示神焉

諸官名

大司農曰羲和後更為納言大理曰作士大常曰秩宗大鴻臚曰典樂少府曰共工水衡都

尉曰予虞又更光祿勳等為六監郡太守曰大尹都尉曰太尉縣令長曰宰其餘百官盡易其名不可勝

紀

降諸侯王皆為公

三十人

王子侯皆為子

百八十人

立九廟以漢高廟為文祖廟

莽陋小漢家制度欲更為疎濶乃自謂黃帝虞舜之

後

至齊王建孫濟北王安失國齊人謂之王家因以為氏

以黃帝為初祖虞舜

為始祖

追尊陳胡公為陳胡王田敬仲為田敬王濟北王安為濟北愍王

立祖廟五

親廟四

天下姚姬陳田王五姓皆為宗室

以漢高廟為文祖廟

師古曰欲

法辭受命
于文祖

漢氏園廟祠薦如故

禁剛卯金刀

莽以劉之為字卯金刀也詔正月剛卯金刀之利皆不

得行

服虔曰剛卯以正月卯日作佩之長三寸廣一寸四方或用玉或用金或用桃著革帶佩之今

有玉在者銘其一面曰正月剛卯金刀莽所鑄之錢也

卿士僉曰天人同應昭

然著明其去剛卯莫以為佩除刀錢勿以為利

先是莽造

錯刀一直五千契刀一直五百大錢一直五十與五銖錢並行及是罷錯刀契刀及五銖錢更作小錢徑六分重一銖與前大錢五十者為二品欲防民盜鑄乃禁不得扶銅炭

夏四月徐鄉

漢縣故城在今山東登州府黃縣

侯劉快

膠東恭王子

起兵討

莽不克死之

徐鄉侯劉快結黨數千人起兵於其國快兄殷故漢

膠東王時改為扶崇公快攻即墨

膠東國都

殷閉城門自

繫獄吏民距快快敗走至長廣

漢縣故城在今山東登州府萊陽縣死

莽禁不得買賣田及奴婢

莽更名天下田曰王田奴婢曰私屬皆不得買賣其

男口不盈八而田過一井者分餘田予九族鄉黨故

無田今當受田者如制度敢有非井田聖制無法惑衆者投之四裔以禦魑魅

冬雷桐華大雨雹

庚始建國
午二年

春二月莽廢漢諸侯王為民

先是莽遣五威將軍

每一將各置左右前後中五帥
衣冠車服駕馬各如其方面色

數班符命四十二篇于天下王侯官吏外及蠻夷皆授

新室印綬因收故漢印綬至是還奏漢諸侯王為公

者悉上璽綬為民以獻符命封侯者三人

故廣陽王
嘉魯王閔

中山王

成都

立五均司市錢府官令民各以所業為貢榷酒酤

劉秀言周有泉府之官

周禮有泉府

收不售

民貨不售則歛而買之

與欲得

無而欲得則官出與之

莽遂立五均

樂語有五均

司市

周禮有司

莽假托周禮以害民非直六藝文奸而已宋王

安石變法朝臣

攻擊紛歟然未

聞有援莽稿以

相折者何耶

市錢府

即泉府

官司市以四時仲月定物之賈為其市

平

皮命反平定物賈也

民物不售者均官考驗用其本賈取之

物賈過平一錢則以平賈賣與民賤減平者聽自相與市也

民欲賒貸者錢府與

之

每月百錢收息三錢

又令民各自占

註見前

其所為

諸畝山林水澤及畜

牧桑蠶工匠醫巫卜祝
方技商賈皆各自占

縣官除其本計其利十分之

而以其一為貢

敢不自占占不以實者盡沒入
所取作縣官一歲作役也

義和

魯匡復奏請榷酒酤莽從之

冬十一月莽罷漢朝及諸劉為吏者

孫建奏漢氏宗廟不當在長安城中及諸劉當與漢

俱廢請皆罷之莽曰可嘉新公國師

即劉秀

等三十二

人皆知天命勿罷賜姓曰王唯國師以女配莽子故

不賜姓

秀女惜配
莽子臨

更號定安太后曰黃皇室主

太后自劉氏廢常稱病不朝會時年未二十莽欲嫁之乃更號為黃皇室主欲絕之於漢令孫建世子盛飾將醫往問病太后大怒鞭笞其傍侍御因發病不肯起

十二月雷

更作寶貨

莽更作金

黃金也

銀

朱提銀及他銀

龜

元龜尺二寸以下

貝

大貝四寸八分以上

錢布

顏師古曰布亦錢耳謂之布者言其分布流行也

之品名曰寶貨凡五

物

金銀銅龜貝

六名

錢貨金貨銀貨龜貨布貨貝貨

二十八品

錢六品金一品銀二

品龜四品貝五品布十品

百姓憤亂其貨不行莽知之乃但行小

錢直一與大錢五十並行民皆便安漢五銖錢多以

之市買莽乃下令諸挾五銖錢者投諸四裔抵罪者

不可勝數于是農商失業食貨俱廢

其後莽復改錢貨之法頗增損

其賈直而罷大小錢更作貨布泉布二品並行及令既數更用民破業而大陷于刑事在天鳳元年

莽將軍甄豐

豐以符命為莽更始將軍

自殺大夫揚雄自投天祿閣

在未央
宮中

下莽遂殺甄尋劉棻丁隆等數百人

莽既以符命自立

甄豐王舜劉棻為莽腹心安漢寧衡之號皆所共謀然非欲令莽居

攝也居攝之萌出自劉慶謝竄而疎遠希進者因之並作符命莽遂據以即真後又欲絕其

原以神前事

是時爭為符命封侯其不為者相戲曰獨無天帝除書乎陳崇白莽莽亦厭之

乃使尚書驗治非五威將帥所班皆下獄

而甄豐子尋復言之

莽即真之後尋秀內

懼而已豐素剛彊莽頗覺其不悅曾豐子尋為京兆大尹復作符命言黃皇室主當為尋妻莽由是發怒

遂收捕尋尋亡豐自殺

未幾王舜亦病悸而死

已捕得尋辭連

劉秀子棻及丁隆

秀門人

等棻嘗從楊雄學作奇字時

拔擢地其去劉
秀之顛倒五經
森言昌導者幾
希直與勝薛方
輩之罪人論者
多方辨雪非與
于不仁之甚者
乎

雄方拔書天祿閣上使者來欲收之雄恐不能自免

乃從閣上自投下幾死莽聞之以雄不知情詔勿問

誅尋茶及隆等死者凡數百人

流茶于幽州放尋于
三危殛隆于羽山皆驛

車載其屍

傳致云初成帝之世雄以奏賦為郎與莽及秀並列

哀帝時又與董賢同官莽賢為三公權傾人主所薦

莫不拔擢而雄三世不徙官及莽篡位稱功德獲封

爵者甚衆雄獨以耆老久次轉為大夫恬于勢利好

古樂道欲以文章成名于後世故作太元

以準

法言

以象論語

用心于內不求于外人皆忽之惟劉秀及范逡

敬焉而桓譚

字君山沛郡相人

以為絕倫鉅鹿侯芭師事之

然雄自投閣之後時人謂之語曰惟寂寞自投閣爰

清靜作符命君子病焉

上元焦贛曰漢書楊雄傳贊謂雄仕莽作符命投閣年七

十一天鳳五年卒考雄至京見成帝年四十餘矣自成帝建始改元至莽天鳳五年計五十有二歲以五十二合四十餘已將近百年則興所謂年七十一者相抵牾矣又考王莽自平帝元始間始號安漢公而法言稱漢公且云漢興二百一十載自高帝至平帝末益其數矣然則雄之終或在平帝末正年七十餘也世謂班固早卒曹大家傳失其實豈不然哉竑之論如此而寧都魏禮亦引證各書謂雄賣文自贍文

不虛美人多惡之及卒其怨家取法言多為竄益至劇秦美新則劉棻作也紫陽綱目特書莽大夫揚雄死是舉褚淵馮道所未嘗加者而加之矣據焦魏二家之說班史所載綏不足信今考外戚傳元后崩莽詔雄作誄雄傳贊雄投閣京師為之語其所載甚詳特所云天鳳五年卒年七十一者史文誠不免牴牾今書雄投閣事乃據班史文而于其死則闕之

辛始建國
三年

匈奴諸部分道入塞州郡兵起

莽恃府庫之富欲立威匈奴

先是莽遣五威將帥至匈奴易漢故璽更其印

文曰新匈奴單于章單于解故印綬奉上將帥受著新綬左帥陳鏡知單于必求故印即引斧椎壞之明日單于果白將帥曰漢諸侯王以下乃言章今去璽加新與臣下無別願得故印將帥以故印示之單于

知已無奈何即遣使入謝然重怨恨于是
勒兵朔方塞下受車師降者與同入寇

乃更名匈

奴單于曰降奴服于遣孫建等分道並出募卒三十

萬人先至者屯邊郡須畢具乃同時出窮追匈奴分

其國土人民以為十五立呼韓邪子孫十五人皆為

單于

莽招誘呼韓邪諸子右犁汙王咸咸于登助三人至脅拜咸為孝單于助為順單于咸走出塞

傳送登助

至長安

單于聞之怒曰先單于受漢宣帝恩不可

負也今天子非宣帝子孫何以得立遣兵入雲中塞

注見前

大殺吏民歷告左右部諸邊王入塞殺太守都

尉畧吏民畜產不可勝數是時諸將在邊以大衆未
集未敢出擊嚴尤諫曰臣聞匈奴為害周秦漢征之
周得中策漢得下策秦無策焉今天下比年饑饉西
北邊尤甚大用民力功不可必立臣伏憂之莽不聽
轉兵穀如故吏士屯邊者所在放縱而內郡愁于徵
發民棄城郭始流亡為盜賊莽遣中郎繡衣執法分
督之皆乘便為姦撓亂州郡

北邊自宣帝以來數世
不見烟火之警人民熾

盛牛馬滿野及莽撓亂匈奴與之構難邊民
死亡繫獲數年之間北邊虛空野有暴骨矣

勝于元始初即
乞骸骨可謂見
機而作不俟終
日主莽便要說
其志終不可奪
吏臣以爲守死
善道誠非溢詞
耳

莽迎龔勝爲太子師友祭酒勝不食而卒

莽遣使者奉璽書印綬安車駟馬迎龔勝即拜爲太

子師友祭酒勝稱病篤使者要說至以印綬就加勝

身勝輒推不受謂門人高暉等曰吾受漢家厚恩無

以報今年老矣旦暮入地誼豈以一身事二姓下見

故主哉語畢遂不復飲食積十四日死

是時清名之士又有琅邪

紀遂齊薛方沛唐林唐尊皆以明經飭行顯名遂兩
唐皆仕莽封侯莽以安車迎方方謝曰堯舜在上下
有巢由今明主方隆唐虞之德小臣欲守箕山之節
莽悅其言不彊致初隄廩郭欽爲南郡太守杜陵將

詡為兗州刺史亦以廉直為名莽居攝欽詡皆以病免官歸鄉里卧不出戶卒于家沛國陳咸以律令為尚書見何武鮑宣死嘆曰易稱見幾而作不俟終日吾可以逝矣即乞骸骨去職莽篡位召咸為掌冠大夫咸謝病不肯應三子參豐欽皆在位咸悉令解官歸閉門不出入猶用漢家祖臘人問其故咸曰我先人豈知王氏臘乎又齊栗融北海禽慶蘇章山陽曹竟皆儒生去官不仕于莽

潁河郡蝗生河決

河決魏郡泛清河以東數郡先是莽恐河決為元城

今縣本漢置屬直隸大名府

冢墓害及決東去元城不憂水故遂

不隄塞

禹貢錐指王莽時河決魏郡自元城東出館陶東武陽絕漯水而東北至高唐又絕漯水

東北至千乘入海以水經注所載合今輿地言之滑
縣開州范縣朝城陽穀荏平禹城平原德平樂陵商
河蒲臺高苑博興利津皆王莽以後大河之所行也
考黃河自周定王五年後至此乃東徙而禹貢至
于大陸播為九河
以下之故道遂絕

王始建國中四年

定東西都及諸侯員數

莽下書以洛陽為東都長安

莽改長安曰常安

為西都諸侯

員千八百附城

孺子嬰時常賜闔內侯爵者更名附城

數亦如之以侯

有功諸公一同

地方百里曰同

有衆萬戶其餘以是為差

以國

簿未定未受國邑且今受奉都內月錢數千諸侯皆困乏至有傭作者

令民得賣田

莽性躁擾不能無為每有所興造動欲慕古不度時
宜制度又不定吏緣為姦天下警警陷刑者衆莽知
民愁怨乃令民食王田者皆得賣之然他政誇亂刑
罰深刻賦斂重數猶如故焉

西南夷殺牂牁

注見前

大尹貉

後漢書高句驪一人入邊名貉耳貉與貉同

人入邊

初五威將帥出西南夷改句町

音胸挺

王

今雲南臨安府古句町國

漢武于此置縣仍封其夷人為王

為侯王邯怨怒莽諷牂牁大尹周

歆詐殺邯邯弟承起兵殺歆州郡攻之不能服莽又

發高句驪

夫餘別種漢武滅朝鮮以高句驪為縣仍封其種人為侯今朝鮮國咸興府是其地

也兵擊匈奴高句驪不欲行彊迫之乃皆亡出塞犯

邊為寇于是東北西南皆亂莽志方盛以四夷不足

憂專念稽古之事

後益州蠻夷亦殺其大尹莽發兵擊之會疾疫死者十六七越舊蠻

亦畔自立

為印穀王

莽既篡位漢統

已絕元后宜書

春二月太皇太后王氏崩

莽既改號太后為新室文母絕之于漢乃隳壞孝元

莽既篡位漢統已絕元后宜書漢也然莽之篡漢皆元后有以

成之則元后實
漢之罪人綱目
去漢字義深哉

廟更為太后起廟獨置孝元廟故殿以為文母簀

月饌也

食堂既成名曰長壽宮置酒請太后既至見廟廢徹

塗地驚泣曰此漢家宗廟皆有神靈與

羊如何

何治

猶言

干何事也

而壞之且使鬼神無知何用廟為如令有知我

乃人之妃妾豈宜辱帝之堂以陳饋食哉飲酒不樂

而罷莽更漢家黑貂著黃貂又改漢正朔伏臘曰太

后令其官屬黑貂至漢家正臘日獨與左右飲食至

是崩年八十四塋渭陵與元帝合而溝絕之

如淳曰塋于司

馬門內用
薄絕之

馬耆

西域國治員渠城去
長安七千三百里

殺莽都護但欽

但姓
欽名

西域諸國以莽積失恩信馬耆先叛殺欽西域遂瓦

解

後天鳳四年莽遣五威將王駿等出西域
馬耆詐降駿等至伏兵襲殺之西域遂絕

冬十一月彗星出

甲新莽天
成厚元年

春三月壬申晦日食

夏四月隕霜殺草木

六月黃霧四塞

秋七月大風雨雹

風拔木飛北闕直城門屋瓦雹殺牛羊

莽置萬國

莽以周官王制之文置卒正連率大尹

如太守

屬令屬

長

如都尉

州牧

如三公

分六鄉

長安城旁

六尉

三輔衆縣

六隊

河內河東

弘農河南潁川南陽

又倣古為六服

惟城惟寧惟翰惟屏惟垣九州之外曰惟藩

總

為萬國後歲復變更一郡至五易名而還復其故吏

民不能紀每下詔書輒繫其故名云

北邊大饑莽與匈奴和親

匈奴烏珠留單于死烏累若鞮單于立

即莽所拜
孝單于咸用

事大臣須卜當

王昭君女伊嫫
居次云之婿

勸單于與中國和親

會緣邊大饑人相食莽遣使賀單于新立徵還諸將

罷屯兵單于貪莽賂遺外不失漢家故事內實利寇

掠又聞其子登前死

莽前殺順單于登
事在始建國四年

怨恨寇虜從

左地入不絕

已而莽改匈奴單于為恭奴單于
單于貪金幣曲聽之然寇盜如故

乙亥
二年

春二月日中星見民訛言黃龍死

民訛言黃龍虜死黃山宮

在西安府興平縣

中走觀者數萬

莽惡之

師古曰莽自謂黃德故有此妖

捕繫問所從起不能得

五原代郡兵起

莽以制定則天下自平故銳思于地理制禮作樂講

合六經之說公卿旦入暮出論議連年不決不暇省

獄訟寃結民之急務縣宰缺者數年守蕪

師古曰不拜正官權

今人守蕪

一切貪殘日甚繡衣執法在郡國者並乘權勢

傳

知應交

相舉奏又一十公士

漢公府各有掾屬并置十一公掾曰士

分

布勸農桑班時令按諸章冠蓋相望郡縣賦斂遞相
賕賂白黑紛然莽自見前顓權以得漢政故務自攬
衆事又好變改制度政令煩多前後相乘憤眊不潔
清也言不莽常御燈火至明猶不能勝尚書因是為姦寢

事上書待報者連年不得去拘繫郡縣者逢赦而後
出衛卒不交代者至三歲穀糴常貴邊兵二十餘萬
人仰衣食縣官五原代郡尤被其毒起為盜賊數千
人為輩轉入旁郡莽遣兵與郡縣擊歲餘乃定

邯鄲以北大雨

水深者數丈流殺數千人

丙天鳳春二月地震大雨雪

雪深一丈竹柏為枯

夏五月莽始賦吏祿

先是莽以制作未定上自公卿下至小吏皆不得俸

祿至是始賦吏祿

凡十五等條祿一歲六十六斛稍以差增至四輔而為萬斛

又

曰古者歲穰則充其禮災害則有所損上計

奉上戶口錢穀

之數若今計帳也

時通計天下幸無災害者大官膳羞備品

即有災害以什率多少而損膳焉

以什為率視災害所減多少而制分

數

公卿以下各分州郡國邑保其災害亦以十率多

少而損其禄中都官吏

謂京師諸官府也

食禄者以大官膳

羞備損為節莽制度煩碎如此課計不可理吏終不得禄各因官職為姦受取賕賂以自共給焉

長平岸

即長平坂注見前

崩壅涇水莽發兵擊匈奴

莽羣臣以岸崩上壽曰河圖所謂以土填水匈奴滅

已之祥也莽乃遣將擊匈奴至邊上屯

秋七月戊子晦日食

丁丑天鳳四年夏六月莽授諸侯茅土

古者天子大社以五色土為壇凡封諸侯鑿土

如其方之色苞以黃土苴以白茅

于明堂

莽好空言慕古法多封爵人性實吝嗇託以地理未

定故且先賦菁茅

蔡沈尚書集傳管子云江淮之間一茅而三脊是為菁茅

四色之

土

顏師古曰土有五色此云四色者中央之土不以封也

用慰喜封者

臨淮

漢郡治徐故城在今江南泗州

琅邪

注見前

及荊州綠林

山名在今湖北安陸

府當
陽縣 兵起

莽設六筦

鹽一酒二鐵三名山大澤
四五均賒貸五銅冶六

之令用富賈督

之

乘傳求利交錯天下因
與郡縣通姦百姓愈病

復下詔每一筦申明科禁

犯者罪至死民搖手觸禁不得耕桑繇役煩劇旱蝗

相仍富者不能自別貧者無以自存于是並起為盜

賊吏不能擒而覆蔽之浸淫日廣臨淮瓜田儀

瓜田姓儀

名等依阻會稽

漢郡治吳今江南
蘇州府吳縣是

長州

即今長洲縣
與吳縣俱為

蘇州府治琅邪呂母聚黨數千人入海中為盜其衆浸多

至萬數

初呂母子為海曲宰寬殺母散家財陰厚貧窮少年得百餘人逐攻殺宰以祭子墓引兵

入海

海曲漢縣故城在

荊州饑饉民衆入野澤掘

山東兗州府日照縣也

鳧茈

爾雅茈鳧茈註鳧茈生下田苗似龍須而細根如指黑色可食

而食之更相侵

奪新市

後漢侯國故城在今湖北安陸府京山縣

人王匡王鳳為平理諍

訟遂推為渠帥衆數百人于是諸亡命者馬武

字子張南

陽湖陽人

王常

字顏卿潁川舞陽人

及成丹等皆往從之藏于綠林

山中數月間至七八千人又南陽張霸江夏

漢郡治西陵故

城在今湖北黃州府黃岡縣

羊牧俱起衆皆萬人

莽遣使者即赦盜賊還言盜賊

復合問其故皆曰愁法禁煩苛不得舉手力作所得
不足以給貢稅閉門自守又坐鄰伍鑄錢挾銅姦吏
因以愁民民窮悉起為盜賊莽大怒免之或有言是
民驕黠當誅及言時運適然且減不久莽悅輒遷官

戊辰

五年

春莽考吏致富者收其財以給軍

吏以不得俸祿並為姦利郡尹縣宰家累千金莽乃
考諸軍吏及緣邊吏增產致富者收其家財產五分
之四以助邊急開吏告其將奴婢告其主冀以禁姦
而姦愈甚

琅邪樊崇東海刁

漢書

子都

刁出齊豎
刁之後

等兵起

琅邪樊崇起兵于營

注見前

衆百餘人羣盜以崇勇猛

咸附之一歲間至萬餘人崇同郡人逢塲江安東海

人徐宣謝祿楊音各起兵合數萬人從崇轉掠青徐

間又有東海刁子都亦發兵鈔擊徐兗莽遣使者發

兵擊之不能克

是時關東饑旱連年刁子都等黨衆浸多至六七萬

己卯

天鳳六年

春莽下書六歲一改元

莽見盜賊多乃令太史推三萬六千歲歷紀六歲一

改元下書布天下自言當如黃帝升天欲以誑耀百

姓銷解盜賊人皆笑之

明年改元地皇從三萬六千歲歷號也

大募兵擊匈奴

匈奴寇邊益甚

烏累單于死弟左賢王興立為呼都尸道皋若鞮單于莽誘致須卜當至

長安立為須卜單于匈奴怒入北邊為寇

莽大募天下丁男及死罪囚吏

民奴

名曰豬突狝勇

以為銳卒一切稅天下吏民訾

與貨同三

十取一令公卿以下至郡縣黃綬

百官表比二百石以上黃綬

皆

保養軍馬多少以秩為差又博募有奇術可以攻匈

奴者

或言能渡水不用舟楫連馬接騎濟百萬師或言不持斗糧服食藥物三軍不飢或言能飛一

日千里可
窺匈奴

莽雖知其不可用苟欲獲其名皆拜為理

軍賜以車馬待發嚴尤諫曰匈奴可且後先憂山東

莽大怒策免尤

是歲夙夜連率韓博進長人巨毋霸
霸出蓬萊海瀕長大大十圍卧則枕

博以莽慕奇術
因進長人其志
不過希指為悅

鼓以鐵箸食輜車不能載三馬不能勝博以大車四

而已莽特善疑

馬建虎旗載之詣闕意欲以諷莽莽字巨君言毋得

乃以姓氏之嫌

篡盜而霸也莽惡之留霸新豐而徵博棄市更霸姓

誅博非博豫料

曰巨毋氏謂因文母太后而霸王符云 夙夜即漢

所及史家謂博

東萊不夜莽更名故城在

意在譏莽非曲

今山東登州府文登縣

說而何

庚新莽地
辰皇元年

秋七月大風毀莽王路堂

莽改未央宮前殿
曰王路堂服虔曰

如言路

寢也

九月大雨六十餘日

鉅鹿男子馬適求等謀誅莽不克死

適求等謀舉燕趙兵誅莽事覺逮治黨與連及郡國
豪傑死者數千人

牧郅惲

字君章汝南西平人

繫獄

莽篡祿已踰十年惲乃上書欲其復還臣位立持說不能行亦失徘徊觀望矣適其時郡國兵

惲明天文歷數以漢必再受命乃上書說莽曰臣聞
智者順以成德愚者逆以取害神器有命不可虛獲
上天垂戒欲悟陛下令就臣位轉禍為福劉氏永享

起芥心內不自
安又因惡識之
言奪其所恃僅
之幸免亦與希
耳然以視大節
符命紀頌功德
者則所謂箴中
錚錚者矣

天命陛下順節威衰取之以天還之以天可謂知命

矣莽大怒即收繫詔獄會赦得出

時卜者王況謂李
焉曰漢家當復興

因為馬作讖書合十餘

篇言事覺莽皆殺之

辛地皇
己二年春正月莽妻死子臨謀殺莽事覺自殺

初莽妻以莽數殺其子

莽殺子宇事見前又先在侯
國時以中子獲殺奴今自殺

涕泣失明莽令太子臨居中養焉莽妻傍侍者原碧

莽幸之臨亦通焉恐事泄遂謀共殺莽會莽妻病死

事覺收原碧考問具服莽欲秘之殺案事使者賜臨

藥臨不肯飲自刺死

臨妻惜亦自殺

秋隕霜殺菽關東大饑蝗

莽毀漢高廟

莽惡高廟神靈遣虎賁武士入廟四面提擊斧壞戶
牖桃湯赭鞭鞭灑屋壁令輕車校尉居其中

南郡秦豐兵起

豐聚衆萬人平原女子遲昭平

遲氏商賢人
遲任之後

亦聚數

千人在河阻中莽問羣臣擒賊方略皆曰此天囚行

易曰樞機之發
榮辱之主公孫
祿身為漢臣乃
因莽召問就微
與議非以漢臣
盡忠于莽乎論
者但責其失出
處語默之過猶
膚見耳

尸命在漏刻故左將軍公孫祿徵來與議祿曰太史

令宗宣

宗氏晉伯宗之後伯宗本出于宋桓公

以凶為吉亂天文太傅

唐尊飾虛偽以媮名位

尊以國虛民貧咎在奢泰乃身短衣小褰乘北馬柴車藉

素以瓦器飲食莽說之封尊為平化侯

國師劉歆顛倒五經毀師法張

邯鄲陽造井田使民棄土業魯匡設六筦以窮工商

崔發阿諛取容令下情不上通宜誅此數子以慰天

下又言匈奴不可攻當與和親恐新室憂不在匈奴

而在封域之中也莽怒使虎賁扶祿出

莽以田況為青徐二州牧既而罷之

況素果敢發民年十八以上四萬餘人授與庫兵與
刻石為約樊崇等聞之不敢入界後況自請出界擊
賊所嚮皆破莽令況領青徐二州牧事時莽多出將
帥遣使者傳相監趣郡縣苦之反甚于賊況因上言
請盡徵還乘傳各使者以休息郡縣委任臣況以二
州盜賊必平定之莽畏惡況遣使者賜況璽書因令
代監其兵遣況西詣長安況去齊地遂敗

壬地皇
午三年春二月關東人相食

夏四月莽遣其太師王匡將軍廉丹擊赤眉樊崇匡敗
走丹死

樊崇等衆既寢盛乃相與為約殺人者死傷人者償
創及聞太師王匡更始將軍廉丹討之恐其衆與莽
兵亂乃皆朱其眉以相識別由是號曰赤眉匡丹合
將銳士十餘萬人所過放縱東方為語曰寧逢赤眉
不逢太師太師尚可更始殺我時赤眉別校董憲

東海

馮衍詞嚴義正
使升從其言去
逆效順未嘗不
可與馮異岑彭諸
人共助勦乃甘心盡
節賊害赤眉之徒
而不悟亦惡矣哉

人等衆數萬人在梁郡匡丹引兵進戰兵敗匡走丹

戰死

先是莽以書讓丹丹召其掾馮衍示之衍曰海內懷漢德甚于詩人思召公人所鼓舞天必從

之為將軍計莫若屯據大郡鎮撫吏士興社稷之利除萬人之害俾功烈著于時而不滅丹不聽馮衍

字敬通奉

世曾孫

綠林兵分為下江秋七月新市兵荊州平林

漢鄉名晉置縣唐省

故城在今湖北

兵起應之

德安府隨州

先是莽荊州牧討綠林王匡等迎擊大破收軍遂攻

拔竟陵

漢縣今改京山屬湖北安陸府

安陸

漢縣今為德安府治

多畧婦女還

欽定四庫全書

御批歷代通鑑輯覽

卷二十

二十七

入綠林中至五萬餘口會疾疫死者大半乃各分散
王常等西入南郡號下江兵王匡等北入南陽號新
市兵皆自稱將軍匡等進攻隨

即今隨州

平林人陳牧廖

湛聚衆千餘人號平林兵以應之

莽遣納言大將軍嚴尤秩宗大將軍

陳茂擊破下江兵成丹等收散卒復戰大破之

流民數十萬入關

莽置養贍官稟食之使者監領與小吏共盜其稟餼
死者什七八

漢宗室劉縯及弟秀起兵春陵

漢侯國後漢改章陵縣故城在今湖北襄陽府

棗陽縣

興復帝室

光武事始此

初長沙定王發

景帝子母唐姬所出微無寵故王早濕貧國

生春陵節侯

買

顏師古曰漢紀言元朔五年以零陵冷道之春陵鄉封長沙王子買為春陵侯至考侯仁以春陵下

濕上書請徙南陽元帝許之以

買生鬱林

注見前

太守

蔡陽之白水鄉徙仁為春陵侯

外外生鉅鹿都尉回

後漢書城陽王傳節侯買子戴侯熊渠熊渠子考侯仁徙封南陽逆

與從弟回及

回生南頓

注在前

令欽欽娶湖陽

漢縣故城在今

宗族往家焉

南陽府

樊重女生三男縯

字伯升

仲秀

字文叔

縯性剛毅

慷慨有大節常憤憤懷復社稷之慮傾身破產結交

天下雄俊秀美須眉隆準日角嘗受尚書長安略通

大義性勤稼穡續常非笑之比于高祖兄仲仲事見前秀

嘗過穰

注見前

蔡少公少公頗學圖讖言劉秀當為天

子或曰是國師公劉秀乎秀戲曰何絲知非僕邪坐

者大笑宛人李守好讖記常謂其子通

字次元

曰劉氏

當興李氏為輔及新市平林兵起南陽騷動通從弟

軼

字季文

謂通曰今四方擾亂漢當復興南陽宗室獨

劉伯升兄弟汎愛容衆可與謀大事通笑曰吾意也
會秀賣穀于宛通遣軼迎秀與約結定謀使歸舂陵
舉兵相應于是續召諸豪傑計議曰王莽暴虐百姓
分崩今枯旱連年兵革並起此亦天亡之時復高祖
之業定萬世之秋也衆皆然之乃分遣親客于諸縣
起兵續自發舂陵子弟子弟懼皆亡匿曰伯升殺我
及見秀絳衣大冠皆驚曰謹厚者亦復為之乃稍自
安凡得七八千人部署賓客自稱柱天都部秀時年

二十八

李通未發事覺守及家屬皆坐死

續招說新市平林兵與其

帥王鳳陳牧西擊長聚

秀初騎牛殺新野尉乃得馬

進屠唐子鄉

在唐縣以

唐子山名

又殺湖陽尉進拔棘陽

漢縣故城在今南陽府新野縣

李

軼鄧晨

字偉卿新野人

皆將賓客來會既而漢兵與莽守將

甄阜梁邱賜戰不利

續欲攻宛至小長安與阜賜戰兵敗新市平林兵皆欲解去

小長安城在今南陽府南陽縣

會下江兵五千餘人至宜秋

聚名在唐縣

續與秀造其壁見王常說以合縱之利常悟為餘將

言之皆曰大丈夫既起當各自為主何故受人制乎

常曉之曰王莽苛酷失百姓心民之謳吟思漢非一

日也民所怨者天所去民所思者天所與今南陽諸

劉舉宗起兵觀其來議者皆有深計大慮王公之才

與之并合必成大功諸將乃曰無王將軍吾屬幾陷

于不義即引軍與漢軍及新市平林合自是諸部齊

心銳氣益壯續大饗軍士休卒三日十二月晦潛師

夜起襲取藍鄉

在新野縣

盡獲阜賜輜重明年春正月攻

阜賜誅之又破莽將嚴尤陳茂于涓陽

亦曰育陽漢縣故城在今

南陽

遂園宛

先是青徐賊衆雖數萬人訖無文書號令旌旗部曲及漢兵起皆稱將軍攻城

略地移書稱說

莽聞之始懼

冬十一月有星孛于張

張六星在天廟北為周分

癸漢淮陽王元更始元年

更始雖立綱目以不成君未例仍用分注紀年今依之又綱目于更始元年之上

書曰漢帝元通鑑則書淮陽王以光武所封也今依通鑑

春二月新市平林諸將共

立更始將軍劉元為皇帝大赦改元

春陵戴侯曾孫元

字聖公

在平林兵中號更始將軍時

漢兵已十餘萬諸將議以兵多而無所統一欲立劉

氏以從人望南陽豪傑等皆欲立續而新市平林將

帥憚續威明貪元懦弱先共定策立之

諸將召續示其議續曰諸

將軍欲尊立宗室甚厚然今赤眉起青徐關南陽立宗室赤眉復有所立莽未滅而宗室相攻是疑天下而自損權非所以破莽也不若且稱王以號令若赤眉所立者賢相率而往從之若無所立破莽降赤眉然後舉尊號亦未晚也諸將多曰善張卬拔劍擊地曰疑事無功今日之議不得有二衆從之二月

朔設壇于涪水

俗曰白河源出蒿縣雙鷄嶺東逕南召南陽新野至湖北襄陽入于漢

上元即皇帝位

南面立朝羣臣羞愧流汗舉手不能言

大赦改元以續

為大司徒秀為太常偏將軍由是豪傑失望

三月秀徇下昆

陽定陵鄣五月續拔宛更始入都之昆陽故城在今南陽府葉縣定陵故城在許州鄣城縣鄣即鄣城

夏六月劉秀大破莽兵昆陽下誅王尋

莽聞更始立大懼

漢兵言莽酖殺平帝莽乃會公卿以下開所謂平帝請命金縢之策

泣以示

庫臣乃遣其司徒王尋司空王邑大發州郡兵徵

諸明兵法六十三家以備軍吏以長人巨毋霸為壘

尉

中壘校尉

又驅諸猛獸虎豹犀象之屬以助威武邑至

洛陽州郡兵會者四十二萬人號百餘萬旌旗輜重

千里不絕五月出潁川與嚴尤陳茂合諸將見兵盛

皆反走入昆陽惶怖欲散歸諸城劉秀曰今兵穀既

少而外寇彊大并力禦之功庶可立如欲分散勢無

俱全今不同心膽共舉功名反欲守妻子財物邪諸

將怒會侯騎還言大兵且至城下諸將迫急秀復為

圖畫成敗乃皆曰諾時城中唯八九千人秀使王鳳

王常守昆陽夜與李軼等十三騎出城南門于外收

兵

初秀常為舂陵家訟逋租于嚴尤尤見而奇之及是城中出降尤者言不取財物但會兵計策尤笑

曰是美須眉者尋邑縱兵圍昆陽鉦鼓之聲聞數十
耶何為乃若是

里或為地道衝輜撞城

衝陷陣車輜有樓車以之撞城

積弩亂發矢

下如雨城中負戶而汲鳳等乞降不許尋邑自以功

漏刻不以軍事為憂秀至郾定陵悉發諸營兵諸將

貪惜財物欲分兵守之秀曰今若破敵珍寶萬倍大

功可成如為所敗首領無餘何財物之有乃悉發之

秀自將步騎千餘為前鋒去大軍四五里而陳尋邑

遣兵數千合戰秀犇之斬首數十級諸將喜曰劉將

軍平生見小敵怯今見大敵勇甚可怪也且復居前

不及一之
先鼓勇將
不一以當
獨帝王有
因兵以義

請助將軍秀復進尋邑兵却諸部共乘之斬首數百
千級連勝遂前諸將膽氣益壯無不一當百秀乃與
敢死者三千人從城西水上衝其中堅尋邑陳亂漢
兵乘銳奔之遂殺尋城中亦鼓譟而出中外合勢震
呼動天地莽兵大潰走者相騰踐伏尸百餘里會大

雷風屋瓦皆飛雨下如注演川

出魯山縣大吳嶺東
逕葉縣舞陽至襄城

入盛溢虎豹皆股戰士卒溺死以萬數水為不流

邑尤

茂輕騎乘死人渡水逃去盡獲其軍實輜
重不可勝算舉之連月不盡或燔燒其餘

于是海內

豪傑翕然響應皆殺其牧守自稱將軍用漢年號以待詔命旬月之間徧于天下

劉秀徇潁川馮異

字公孫潁川父城人

以五縣降

秀徇潁川屯兵巾車鄉

在今河南汝州寶豐縣

郡掾馮異監五

縣為漢兵所獲異曰異有老母在父城

即今寶豐縣

願歸

據五城以報德秀許之異歸

謂父城長苗萌曰諸將多暴橫獨劉將軍所到

不虜略觀其言語舉止非庸人也

遂與苗萌率五城以降

更始殺大司徒續以劉秀為破虜大將軍

綱目于更始綱特書名目

仍書年號今以綱
從目皆書更始

新市平林諸將以續兄弟威名益盛陰勸更始除之
續部將劉稷勇冠三軍聞更始立怒曰本起兵圖大
事者伯升兄弟也今更始何為者邪以為將軍又不
肯拜更始乃陳兵收稷將誅之續固爭李軾朱鮪因
勸更始并殺續秀自父城馳詣宛謝司徒官屬迎弔
秀秀不與交私語惟深引過而已未嘗自伐昆陽之
功又不敢為續服喪飲食言笑如平常更始以是慙

拜秀為破虜大將軍封武信侯

秋七月莽將軍王涉國師劉秀自殺

道士西門君惠謂涉曰識文劉氏當復興國師公姓

名是也涉遂與秀謀劫莽降漢謀泄皆自殺

莽以軍師外破

大臣內畔左右亡所信憂慙不能食但飲酒
召鰥魚讀軍書依因憑几寢不復就枕矣

成紀

注見前

隗囂

隗氏出于赤狄囂字季孟

起兵應漢

成紀隗崔隗義同起兵以應漢崔兄子囂素有名好

經書共推為上將軍囂聘平陵

昭帝陵因以為縣故城在咸陽

方望

以為軍師望說囂立廟祀高祖太宗世祖稱臣執事

殺馬同盟移檄郡國數莽罪惡

檄言莽酖殺孝平皇帝篡奪其位矯託天

命偽作符書欺惑衆庶震怒上帝楚越之竹不足以書其惡因數莽逆天逆地逆人之大罪

勒兵

十萬擊殺莽雍州牧安定大尹分遣諸將徇隴西武

都金城武威張掖酒泉敦煌

注俱見前

皆下之

公孫述

字子陽扶風茂陵人

起兵成都

初述為清水

今縣本漢置屬甘肅秦州

長有能名遷導江

莽改蜀郡曰導

江卒正治臨邛

漢縣今四川邛州是

南陽宗成等起兵徇漢中

公孫述所見頗
大違雖詐而不
說予正能使早
知天命所歸傾
心先武不愧雲
臺諸將乃以竊
據為志妄自尊
大故不免并姓
一誦耳

以應漢眾數萬人述遣使迎之成等至成都虜掠暴
橫述謂郡中豪傑曰天下同苦新室思劉氏久矣故
聞漢將軍到馳迎道路今百姓無辜而婦子係獲此
寇賊非義兵也乃詐為漢使者拜述將軍兼益州牧
擊成殺之而并其眾

劉望

長沙頃王
駙駒之後

稱帝于汝南

漢郡治平輿
平輿注見前

更始遣兵擊

殺之誅嚴尤陳茂

故鍾武

故城在汝寧
府信陽州

侯劉望起兵汝南遂自立為天

子嚴尤陳茂自昆陽戰敗後往歸之

望以尤為大司馬茂為丞相

更始遣將軍劉信擊殺望并誅尤茂

遣上公王匡攻洛陽大將軍申屠建攻武關九月建入
長安孝平皇后自焚崩衆共誅莽傳首詣宛

更始遣王匡攻洛陽申屠建李松攻武關三輔震動

析

漢縣故城在今南陽府內鄉縣

人鄧熉于匡起兵應漢莽憂不知

所出

乃率羣臣至南郊陳符命本末仰天大哭氣盡伏而叩頭諸生小民旦夕會哭

拜將軍

九人

皆以虎為號

將精兵數萬以東

時省中黃金尚六十餘萬斤化財物稱是

莽賜九虎士人四千錢

衆無鬪意至華陰回谿

亦曰回阮在河南府永寧縣

距隘自守匡煜擊之敗走煜南出閿鄉

今縣本漢置屬河南陝州

開武關迎漢兵以弘農掾王憲為校尉將數百人北

渡渭至瀕陽

注見前

所過迎降諸縣大姓各起兵稱漢

將率衆隨憲李松等引軍至華陰而長安旁兵四會

城下爭欲先入城

莽赦囚徒授兵使史譙將之度渭橋皆散走衆兵發掘莽妻子父祖

豕燒其棺槨及九廟明堂辟雍火照城中

九月朔兵入明日城中少年燒

作室門

工徒出入之門蓋未央宮之便門也

火及掖庭黃皇室主曰何

面目以見漢家自投火中死莽避火宣室前殿火輒

隨之莽旋席隨斗柄

初莽鑄威斗以五石銅為之若北斗欲以厭勝衆兵司命負之

出在前
入在旁

而坐曰天生德于予漢兵其如予何又明日

羣臣扶莽之漸臺

此未央宮漸臺也在滄池中建章漸臺在太液池中程大昌曰凡臺

之環浸于水

者皆曰漸臺衆兵上臺商人杜吳殺莽校尉公賓就

公賓氏出魯大夫公

斬莽首軍人分莽身節解鬻分

賓庚之後就名也

之就持詣王憲憲自稱漢大將軍城中兵數十萬皆

屬焉居二日李松等入長安趙萌申屠建亦至

以王憲得

璽綬不上多挾宮女傳莽首詣宛縣于市百姓共提
建天子旗鼓收斬之

擊之或切食其舌

史臣曰王莽始起外戚折節力行以要名譽及居位
輔政勤勞國家豈所謂色取仁而行違者耶至竊位
南面顛覆之勢險于桀紂而莽晏然自以黃虞復出
乃始恣睢奮其威詐毒流諸夏亂延蠻貊四海囂然
遠近俱發城池不守肢體分裂自書傳所載亂臣賊
子考其禍敗未有如莽之甚也昔秦燔詩書以立私
議莽誦六藝以文姦言同歸殊途
俱用滅亡皆聖王之驅除云爾

冬十月更始北都洛

王匡拔洛陽

誅莽守將
王匡哀章

更始將都之以劉秀行司隸

校尉使前修官府秀乃置僚屬作文移從事司察一

如舊章時三輔吏士東迎更始見諸將過皆冠幘

劉昭

曰秦作紵袍為武將首飾漢加其顏題名之曰幘貴賤皆服之文者長耳武者短耳而服婦人

衣諸子

衽衣也

繡屨

其物反半臂也

莫不笑之及見司隸僚屬

皆歡喜不自勝老吏或垂涕曰不圖今日復見漢官
威儀由是識者皆屬心焉更始遂北都洛

樊崇降漢既而逃歸

更始遣使降赤眉樊崇等聞漢室復興留其兵自將

渠帥二十餘人隨使者至洛陽皆封為列侯未有國

邑而留衆稍離畔乃復亡歸

分其衆為二部崇與逢安為一部徐宣謝祿楊

音為一部崇安拔長社擊殺宛令宣祿等亦拔陽翟擊殺河南太守長社漢縣故城在今河南許州

莽廬江

注見前

連率李憲

潁川許昌人

自稱淮南王

莽末江賊王州公等起衆十餘萬攻掠郡縣莽以憲

為偏將軍廬江連率擊破之莽既誅憲遂據郡自稱

淮南王

封劉永為梁王

永故梁王立之子

立在于平帝時坐與帝外家衛氏交通為莽所殺

孝王八世

孫也首詣洛陽更始紹封為梁王

都睢陽

後永見更始

政亂舉兵攻下濟陰山陽等郡

凡得二

又拜賊帥西

防

故城在今山東曹州府單縣

佼彊

佼姓彊名

東海董憲

時起兵據本郡

琅琊

張步

字文公不其人漢兵起步亦聚眾數千自為五威將軍遂據本郡

皆為將軍與

之連兵遂專據東方

以劉秀行大司馬事遣徇河北

更始欲令大將徇河北大司徒賜

更始從兄字子琴

言諸家

鄧禹進說極似
韓信登壇之對
不過數言而成
敗之勢耳然其
識有大過人者
所云此撥英雄

子獨有文叔可用朱鮪等以為不可賜深勸之乃以

秀行大司馬事持節北渡河鎮慰州郡秀所過考察

官吏黜陟能否平遣囚徒除莽苛政復漢官名吏民

喜悅爭持牛酒迎勞秀皆不受南陽鄧禹

字仲華
新野人

杖

策追秀及于鄴秀曰我得專封拜生遠來寧欲仕乎

禹曰不願也秀曰即如是欲何為禹曰但願明公威

德加于四海禹得效其尺寸垂功名于竹帛耳秀笑

因留宿間

言私

語禹進說曰今山東未安赤眉之屬

動以萬數更始常才不自聽斷諸將皆庸人屈

求勿反

起志在財帛非有深慮遠圖欲尊主安民者也明公
素有盛德大功為天下所嚮服為今之計莫如延攬
英雄務悅民心立高祖之業救萬民之命天下不足
定也秀大悅因令禹常宿止于中與定計議每任使
諸將多訪于禹皆當其才初秀自兄續之死每獨居
輒不御酒肉枕席有涕泣處主簿馮異獨叩頭寬譬
秀止之曰卿勿妄言至是異進說曰更始政亂百姓

無依人久飢渴易為充飽宜分遣官屬循行郡縣宣

布惠澤秀納之

騎都尉耿純謁秀于邯鄲退見官屬將兵法度不與諸將同遂自結納獻

馬及縑帛耿純字伯

山鉅鹿宋子人也

以劉賜為丞相令入關修宗廟宮室

十二月王郎

一曰王昌邯鄲人

稱帝于邯鄲

故趙繆王

名元景帝七世孫

子林言于大司馬秀曰赤眉今

在河東決河水灌之百萬之衆可使為魚秀不答去

之真定

注見前

林于是以卜者王郎為成帝子子與

初王

莽時有自稱為成帝子子與者莽殺之即緣是詐與
稱真子與林素任俠于趙魏間與郎親善遂信之

趙國大豪李育張參等入邯鄲立即為天子

林為丞
祠育為

大司馬參

為大將軍狗下幽冀移檄州郡

檄言聖公未知且特
帝號置義不死詣行

在于是趙國以北遼東以西望風響應

甲更始
申二年

春正月大司馬秀北徇薊

今順天府
大興縣

以耿弇

字伯

昭扶風
茂陵人

為長史

秀以王郎新盛乃北徇薊時耿况

字俠

為上谷太守

初更始分遣使者徇郡國曰先降者復爵位至上谷
况上印綬使者納之一宿無還意功曹寇恂勒兵入

責使者首墮大信召況至進取印綬帶况使者不得已承制詔之寇氏蘇忿生為周司寇其後以官為

氏恂字子翼

遣其子弇詣長安

弇時年二十一

至宋子

漢縣故城

上谷昌平人

在今直隸趙州

會王郎起弇聞大司馬在廬奴

注見前

乃馳北

上謁秀留署長史與俱北至薊令功曹王霸

字元伯潁川潁

陽人

至市中募人擊王郎市人皆大笑以手邪揄

音耶喻

之霸慚據而退秀將南歸弇曰今兵從南方來不可

南行漁陽太守彭寵公邑人

彭寵字伯通宛人與鄉人吳漢共已命漁陽更

始立韓鴻狗北州承制拜寵行漁陽太守事以漢為安樂令吳漢字子顏宛人漁陽注見前安樂漢縣

故城在今順天府密雲縣

上谷太守即弇父也發此兩郡控弦萬

騎邯鄲不足慮也秀官屬皆曰死尚南首奈何北行入囊中秀指弇曰是我北道主人也

二月更始遷都長安

三輔既平申屠建李松迎更始遷都長安

時長安唯未央宮被

焚其餘宮室供帳太倉武庫官府市里不改于舊

更始既至居長樂宮升前

殿即吏以次列庭中更始羞忤俛首刮猶摩席不敢

視

諸將後至者更始問虜掠得幾何左右侍官皆宮省久吏驚愕相視

李松趙萌請悉

王諸功臣朱鮪不可更始乃先封諸宗室然後立諸

功臣皆為王以鮪為左大司馬鮪封膠東王鮪不受與李軾等

軾封舞陰王鎮撫關東李松為丞相趙萌為右大司馬共

秉內政更始納趙萌女為夫人故委政于萌日夜飲譙後庭羣臣欲言事輒醉不能見時不得已

乃今侍中生帷內與語萌專權自恣羣小膳夫皆濫受官爵長安為之語曰竈下養中郎將爛羊胃騎都尉爛羊頭關內侯諸將在外者皆專行誅賞各置牧守州郡文錯不知所從由是關中離心四海怨畔

劉城反應王郎大司馬秀走信都注見前和戎一作和成王莽分鉅

鹿即
發兵擊邯鄲

故廣陽王

名嘉武帝五世孫廣陽國治薊

子接起兵薊中以應郎城

內擾亂于是秀趣駕出城晨夜舍

猶止也

食道傍不敢

入城邑至蕪蕪亭

在今直隸深州饒陽縣東北俗曰蕪蕪社

時天寒烈馮

異上豆粥

明旦秀謂諸將曰昨得公孫豆粥飢寒俱解

至饒陽

今縣本漢置

官

屬皆乏食

秀自稱邯鄲使者入傳舍吏方進食從者飢爭奪之傳吏疑其偽乃椎鼓數十通給

言邯鄲將軍至從者皆失色秀升車欲馳既而懼不免徐還坐曰請邯鄲將軍入久乃駕去

晨夜

兼行蒙犯霜雪面皆破裂至噤

一作

沱河

源出山西代州繁峙

縣秦戲山由忻州平定逕直隸正定保定河間天津之境其下流亦日子牙河

候吏還白河

王霸視渾沌還
詭稱冰堅可渡

足以安衆心而

集大事實有處

廢之才足時造

騎已迫有進無

退使既至河濱

流漸如故亦惟

有鼓勇而前亂

流以濟耳必無

畏難束手坐待

困阨之理河水

適合初非霸所

逆料雖曰天意

亦人定者實能

勝之也

水流漸

水漸也

無船不可濟秀使王霸往視之霸恐驚

衆還即詭曰冰堅可渡遂前至河河水適合乃渡未

畢數騎而冰解至南宮

今縣本漢置屬直隸冀州

遇大風雨入道

傍空舍馮異抱薪鄧禹熬火秀對竈燎火馮異復進

麥飯至下博

漢縣故城在今深州

惶惑不知所之有白衣老人

指曰努力信都為長安城守去此八十里秀即馳赴

之時郡國皆已降王郎獨信都太守任光

字伯卿南陽宛人

和戎太守邳彤

風俗通奚仲為夏車正封于邳其後以為氏彤字偉君信都人

不肯

從光以孤城獨守恐不能全聞秀至大喜開門迎謁

吏民皆呼萬歲邳彤亦自和戎來會議者多言可因

信都兵自送西還長安邳彤以為不可

彤曰吏民歌吟思漢久矣

王郎假名因勢驅集烏合之衆非有根本之固明公奮二郡之兵以討之何患不克今釋此而歸豈徒空失河北必更驚動三輔墮損威重非計之得也且明公無復征伐之意則雖信都之兵猶難會也何者明公既西則邯鄲勢成民不肯捐父母背成主千里而從公離散逃亡可必秀乃止秀以二郡

兵弱光乃發傍縣得精兵四千人秀拜光彤大將軍

將兵以從光多作檄文曰大司馬劉公將城頭子路

刁子都兵百萬衆從東方來擊諸反虜

城頭子路者東平人爰曾

字子路起兵盧城頭遂因號焉至二十餘萬刁子都即前起兵東海者也秀先欲依此二人故假以為檄

吏民得檄轉相告語劉植

字伯先鉅鹿昌城人

耿純各率其宗

親子弟迎秀衆稍合至數萬人北擊中山

江國今直隸定州

拔盧奴所過發奔命兵移檄邊部共擊邯鄲郡縣復

響應

時真定王楊起兵附王郎衆十餘萬秀遣劉植討降楊因納楊甥郭氏為夫人以結之真定

王楊漢書作陽武帝封常山憲王舜子平為真定王傳國五世至陽王莽時國除

南擊元氏

今縣本漢置屬直隸正定府

房子

漢縣故城在今直隸趙州高邑縣

皆下因入趙

界時王郎大將李育屯栢人

注見前

進戰大破之育還

保城攻之不下于是引兵拔廣阿

漢縣故城在今趙州隆平縣

延岑

字叔牙南陽人

據漢中漢中王嘉

春陵孝孫考侯仁之孫字更始封為王

擊

降之

岑起武當

漢縣以武當山名山在湖北襄陽府均州南今州北有延岑城岑所築

遂據

漢中復略南陽漢中王嘉擊破之于冠軍

霍去病所封邑注見

前

岑乃降嘉都南鄭

注見前

有衆數十萬校尉賈復

字

文南陽冠軍人

說曰今天下未定而大王安守所保所保得

無不可保乎嘉曰卿言大非吾任也大司馬在河北

必能相用乃為書薦復及長史陳俊

字子昭南陽西鄉人

于秀

秀以復為將軍俊為掾

時祭遵為秀軍市令秀舍中兒犯法遵格殺之秀怒將收

遵一市令而能執法如此其將各已見一斑光武旋怒旋用是其能納言直能仕人者必如是而後可為開報之君

遵主簿陳副諫曰明公常欲軍衆整齊今遵奉法不避是教令所行也乃貴之以為刺姦將軍謂諸將曰

當備祭遵吾舍中犯法尚殺之必不私諸卿也氏周祭伯之後以國為氏遵字弟孫潁川潁陽人

祭

夏四月大司馬秀以上谷漁陽兵進拔邯鄲斬王郎

初薊中之亂耿弇與大司馬秀相失乃北走昌平

漢縣

今為州屬順天府

就其父况請擊邯鄲况以邯鄲方盛力不

能獨拒寇恂曰東約漁陽同心合衆邯鄲不足圖也

況遣恂約彭寵寵吏吳漢蓋延

字巨卿漁陽要陽人

王梁

字君嚴漁

陽安陽人

方勸寵從秀會恂至寵乃發步騎三千人使漢

延梁將之攻薊斬郎將趙閭恂自漁陽還與長史景

丹

字孫卿馮翊櫟陽人

及奔將兵俱南與漁陽軍合所過擊斬

王郎大將以下三萬級定縣二十有二前及廣阿聞

城中車騎甚衆景丹問何兵曰大司馬劉公也諸將

喜即進城中初傳言二郡兵為邯鄲來秀自勒兵登

城問之耿弇拜于城下具言發兵狀秀乃悉召入笑

曰邯鄲將帥數言我發漁陽上谷兵吾聊應言我亦

發之何意二郡良為吾來方與士大夫共此功名耳

乃以丹等為偏將軍加況寵大將軍

封列侯

會更始遣

尚書令謝躬

字子張南陽人

率六將軍討郎不能下秀與合

軍圍鉅鹿郎太守王饒城守月餘連攻不克耿純曰

久守王饒士眾疲敝不如及大兵精銳進攻邯鄲若

王郎已誅鉅鹿不戰自服矣秀從之四月進軍邯鄲

意師高祖封雍
齒然高祖因沙
中偶語以衆良
之策用龍錫受
先武則不固賢
勸出于幾先以
視高祖雖大小
不倫而精蘊有
間矣

連戰破之郎遣杜威請降威稱郎實成帝遺體秀曰
設使成帝復生天下不可得况詐子與乎威求萬戶
侯秀曰顧得全身可矣威怒而去秀急攻之遂拔邯
鄲郎亡走王霸追斬之秀收文書得吏人與郎交關
謗毀者數千章秀不省會諸將燒之曰令反側子自
安秀部分吏卒皆言願歸大樹將軍大樹將軍者馮
異也異為人謙退不伐每所止舍諸將並坐論功
異常獨屏樹下故軍
中號曰大樹將軍

更始立大司馬秀為蕭

注見前王

更始遣使立秀為蕭王令罷兵

諸將有功者詣行在所遣苗曾為幽州牧

韋順蔡充為上

谷漁陽太守

蕭王居邯鄲宮晝卧溫明殿耿弇入

請歸上谷益兵王曰河北略平益兵何為弇曰王郎
雖破天下兵革方始聖公不能辦也敗必不久王起
坐曰卿失言吾斬卿弇曰大王哀厚弇如父子故敢
披赤心王曰我戲卿耳何以言之弇曰百姓患苦王
莽復思劉氏聞漢兵起莫不歡喜如去虎口得歸慈
母今更始為天子而諸將擅命于山東貴戚縱橫于

都內元元叩心更思莽朝是以知其必敗也公功名
已著以義征伐天下可傳檄而定天下至重不可令
他姓得之聞使者從東方來欲罷兵不可從也王乃
辭以河北未平不就徵始貳于更始

時虎牙將軍鉤
期亦勸王母就

徵時初從王狗薊王出薊城時百姓遮道不得行期
奮戟瞋目大呼左右曰趣衆皆披靡及是進說王笑
曰卿欲遂前趣邪 鉤音姚期字
況頓川郊人趣與蹕同惟天子稱

秋蕭王擊降銅馬諸賊南下河內

是時諸賊銅馬大彤高湖重連鐵脰大捨尤來上江

青犢五校檀鄉五幡五樓富平獲索等或以山川土地為名或以軍容彊盛為號各領部曲衆合數十百萬人所共掠蕭王將擊之乃拜吳漢耿弇俱為大將軍持節發幽州突騎苗曾不從漢收斬之弇亦斬

韋順蔡充悉發其衆秋王擊銅馬于鄒

漢書作縣音若么反縣屬

鉅鹿郡故城在今直隸保定府東鹿縣

吳漢將突騎來會王堅營自守

絕賊糧道賊夜遁去王追擊大破之受降未盡而高湖重連從東南來與銅馬餘衆合王復與大戰悉破

降之封其渠帥為列侯降者猶不自安王知其意敕

令各歸營勒兵乃自乘輕騎案行部陳降者更相語

曰蕭王推赤心置人腹中安得不投死乎由是皆服

悉以分配諸將衆遂數十萬于是關西號蕭王曰銅

馬帝赤眉別帥與青犢上江大彤鐵脰十餘萬衆在

射犬

故城在今河南懷慶府河內縣

王擊破之南徇河內太守韓歆

降

歆同邑人岑彭漢兵初起時守宛攻之月餘不盡乃降諸將欲殺之大司徒續曰彭堅心執守是其

節也今舉大事當封之以勸後乃封彭歸德侯及續遇害彭授淮陽都尉道阻不得之官乃依歆河內歆

既降王召見彭彭曰幸蒙司徒見全未有報德今復遭遇願出身自效王深接納之

彭字君然南

岑古岑子國之後

陽棘陽人

謝躬數欲襲王未發率兵數萬屯鄴王

遣邀尤來躬兵大敗王使吳漢岑彭襲鄴躬還漢等

斬之其衆悉降

明年蕭王擊尤來大捨五幡連破之乘勝輕進反為所敗歸保范陽軍中

不見王或言已歿諸將不知所為吳漢曰卿曹努力

王兄子在南陽何憂無主衆乃定賊雖戰勝而素懼

大威夜遂遁去大軍復進斬首三千餘級賊入漁陽

王遣吳漢等十二將軍追擊之破敗畧盡賈復與五

校戰傷創甚王大驚曰我所以不令復別將者以其

輕敵也果然失吾名將聞其婦有孕生女邪我子娶

之生男邪我女嫁之不令

具憂妻子也復病尋愈

冬赤眉西攻長安

赤眉雖數戰勝而疲敝愁泣思欲東歸樊崇等慮衆

東向必散不如西攻長安于是崇逢安自武關徐宣

謝祿楊音從陸渾

武關陸渾
注俱見前

兩道俱入更始遣蘇茂

等拒之軍敗赤眉遂進至湖

注亦
見前

秦豐據黎邱

故城在今湖北
襄陽府宜城縣

自稱楚黎王

章懷曰豐本
黎邱鄉人黎

邱楚地故
稱楚黎王

豐自莽末起兵攻得十有餘縣遂自稱為王時汝南田

戎攻陷夷陵

注見前

自稱掃地大將軍與豐合豐以女

妻之

蕭王遣鄧禹將兵入關寇恂守河內馮異拒洛陽自引兵徇燕趙

蕭王將北徇燕趙度赤眉必破長安乃拜鄧禹為前將軍將兵西入關時朱鮪李軼守洛陽鮑永

字君長宣之子

更始徵拜尚書僕射

田邑

為上黨太守

在并州王以河內

險要富實欲擇守者而難其人問于鄧禹禹曰寇恂

文武備足有牧民禦衆之才乃拜恂河內太守謂曰
昔高祖留蕭何關中吾今委公河內當給足軍糧率
屬士馬防遏他兵勿令北渡拜馮異為孟津將軍統
兵河上以拒洛陽王乃引兵而北恂調餼糧治器械
以供軍未嘗乏絕

乙三年 是年依前楚漢之例一歲兩條六月以春正
酉前為更始三年光武即位以後為建武元年

月平陵人方望以前孺子嬰稱帝于臨涇

漢縣在今甘肅平涼府鎮

原縣 更始遣兵擊斬之

方望度更始必敗更始徵隗囂囂將行望止之不聽

遂辭囂而去與安陵人弓林

弓魯大夫叔弓之後以名為氏

等求得

前定安公嬰於長安將至臨涇立之聚衆數千人為

丞相林為

更始遣李松擊破皆斬之

大司馬

夏四月公孫述稱帝于蜀

先是更始遣李寶徇蜀漢公孫述遣其弟恢迎擊于

綿竹

漢縣故城在今四川綿州德陽縣

大破走之述遂自立為蜀王

民夷皆附至是功曹李熊說述宜稱天子述遂即帝

位號成家改元龍興

熊為大司徒弟光為大司馬恢為大司空

朱鮪殺李軼攻溫平陰

漢縣故城在今河南府孟津縣

馮異寇恂擊破

之

馮異遺李軼書為陳禍福勸令歸附軼知長安已危

而以伯升之死心不自安乃報異書而不復與爭鋒

故異得北攻天井關

在今山西澤州府鳳臺縣關南有天井泉三所

南下成

皋以東

降者十餘萬

斬河南太守武勃軼閉門不救異見

其信效具以白王王報曰季文

軼之字

多詐人不能得

其要領乃故宣露其書令朱鮪知之鮪怒使人刺殺軼由是城中乖離多有降者鮪遣其將攻溫自將攻平陰以綴異寇恂聞之勒兵馳出移告屬縣發兵會溫軍吏諫曰宜待衆軍畢集乃出恂曰溫郡之藩蔽失溫則郡不可守遂馳赴之將戰會異遣救諸縣兵皆至恂令士卒乘城鼓譟大呼劉公兵到奔擊破之異亦渡河擊鮪鮪走異與恂追至洛陽環城一帀而歸



御批歷代通鑑輯覽卷二十



總校官進士臣程嘉謨
校對官編修臣吳舒帷
膳錄監生臣李邦燮